



Giunsa ni Antonio sa Pagsunod kang Jesus

Si Antonio nagsunod ni Jesus pinaagi sa pagpakigbahin sa iyang pagpamatuod. Usa niana ka Dominggo sa wala pa mosimba, si Antonio nakahukom nga siya mopakigbahin sa iyang pagpamatuod atol sa panagtigom sa pagpamatuod niana nga adlaw. Gisulat niya ang iyang pagpamatuod diha sa usa ka notebook ug mibasa gikan niini. "Akong gipakigbahin ang akong pagtuo nga si Jesukristo namatay diha sa krus ug nga Siya nahigugma sa matag usa kanato ug nagpakabana kanato," misulti siya.

Si Antonio nasayod nga ang pagpakigbahin sa iyang pagpamatuod motabang niya nga mobati sa Espiritu Santo. Magtabang usab niya nga mobati nga duol sa iyang lolo kinsa namatay pipila ka tuig ang milabay. Siya misulti, "Nasayod ako nga ang akong lolo ug ang iyang tibuok pamilya nagsuporta nako, ug nga nagtabang nga ang akong pagpamatuod motubo!" ●



Makasunod Usab Kamo ni Jesus!

Unsa ang usa ka butang nga inyong nahimo aron masunod si Jesus? Sulati ug sultihi kami! Tan-awa sa luyo nga hapin aron makita kon unsaon.



Hello!

Bahin ni Antonio

EDAD: 11

GIKAN SA: St. Michael, Barbados

PINULONGAN: Iningles

MGA TUMONG: 1) Moadto sa templo aron magpabunyag alang sa iyang lolo. 2) Mahimong usa ka piloto. 3) Mahimong usa ka propesyonal nga magdudula og football.

MGA KALINGAWAN: Moadto sa baybayon, magdula og football, ug magdula og bidyo nga mga dula uban iyang mga higala

PAMILYA: Antonio, Mama, Papa, ug magulang nga igsoong lalaki

Mga Paborito ni Antonio

ISTORYA SA BASAHON NI MORMON: Sa dihang si Nephi nagkuha sa mga palid nga tumbaga gikan ni Laban (tan-awa sa 1 Nephi 4)

TRADISYON SA PAMILYA: Maniudto sa Pasko kauban ang kaparyentehan

PRUTAS: Mga Strawberry

KOLOR: Asul

AWIT SA PRIMARY: "Popcorn Namukhad" (Songbook sa mga Bata, 118)

Pagsunod ni Jesus didto sa Barbados